



Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018

GIANFRANCO DETTORI

Gianfranco Dettori nascit in Serramanna su 25 de abrili de su 1941. At otentu fortunas mannas in Itàlia e in Gran Britànnia, intre custas annoditau is vitòrias a sa Two Thousand Guineas in su 1975 e in su 1976 e cuddas, semper datadas 1976, a sa Benson & Hedges Gold Cup e a s'Eclipse Stakes. Est su babbu de su cuadderi Lanfranco Dettori famau in totu su mundu.

Emigrat de Serramanna in circa de traballu in sa Capitali a s'acabu de is annus sessanta. A pustis de essi traballau comenti a sciacuadori de pratus in localis romanus e comenti a agiudu frutureri, est assùmiu comenti òmini de allichidiri is staddas e is cuaddus a s'aringu de "le Capannelle".

Sceti po spìritu de disafiu, sena essi mai caddigadu in antis de intzandus, àrtziat apitzus de unu cuaddu rebellu timiu de totus is cadderis prus bonus de s'aringu e intrat aici, po a casu, in su mundu de is cuaddus. Atòbiat su cuadderi bèciu Roberto Livermore chi acumpàngiat sa frigidura de s'abileza desamplada sua.

Comenti a cuadderi at otentu bìncidas medas in Itàlia e in Gran Britannia, lompenti a su nùmeru de 3.798 cursas bintas, numeru de grandu importu, e collochendi-sì aici, a su segundu postu in sa classìfica italiana de totus is tempus, pretzèdiu sceti de Enrico Camici, chi perou at tentu una carriera prus longa meda.

At conchistau 13 bortas su scudetu italianu de is cuadderi (Frustino d'Oro) e est imui su personàgiu prus connotu de is cursas de cuaddu italianas.

Si retirat de sa faina professionìstica in su 1992 a 51 annus, nointamis non tèngiat problemas fisicus, po sighiri is atividadis de su fillu Lanfranco narau "Frankie" chi, a pustis de s'essi trasferiu in Inghilterra sighendu su cunsillu de su Babbu, devenit chitzi su cuadderi

prus famau de su Regnu Uniu e de su mundu, de unus cantus cunsiderau fintzas su mellus in assolutu.

Su 24 de onniasantu de su 2009 est stètiu onorau de su prèmiu “Serramannensis Gens”.